

## Ebe ni iJemhisi Ọ keke

<sup>1</sup> Mhẹmhẹ iJemhisi ni mhi khi ọni ọọ ga ọyi Ẹshinẹgba ali ọyi iJesu iKirisiti Ọnọmhuẹ mhia keke ebe ona ghi ẹgbọ eni e miesuọ, ni ẹ la ẹdẹli igbẹva eyi ẹgbọ iZirẹni, ni e gbhiaku elemhi eke agbọ nya.\*

Mhi tse ẹ.

### *Ke ghele elemhi imufe*

<sup>2</sup> Inyoghuo-mhẹ, leli ọli shi emhi oghẹle ini imufe ọdoda e bhale debe.

<sup>3</sup> Irari khi u lese khi ini a da mu irudunga oye fe bino ne, iregbemie oye o ya me asha fu-a shi ọ.

<sup>4</sup> Zobẹ ni iregbemie oye ẹ o gbe akanya oyọli pfo, ni a mhọli iwomhelo, ni o gba pfo, ni a khi eni ingeli enete ẹa baku.

<sup>5</sup> Ama ini onge ọọ nono ẹgbhali, ọ mhila Ẹshinẹgba ni ọ pfo elemhi ro ọ na ọgbokpa, ni ọa ya me umha-guekia oyi ọgbọ. Ọ ya roli na li.

<sup>6</sup> Ama ini ọọ mhila, ọ mhọli irudunga ni ọa mhue akhọkhomhẹ, irari khi ọni mhọli akhọkhomhẹ, eri ọ li abi izughuse oyi oke oniemhi ni akpekpeli o pfi ẹ kia.

<sup>7</sup> Ọgbọ oghoghọ ọ khi sa khi lolu me emhikhoghuo ya mie obọ oyi Ọnọmhuẹ.

<sup>8</sup> Ọgbọ ọzidu eva ọ khi, ọa ya riele emini o mu amẹ.

---

\* **1:1** Li ze iMat 13.55; iMak 6.3; Ika 15.13; iGal 1.19

### *Ẹpfue ali umhame*

<sup>9</sup> Eni e mie iJesu iKirisiti suo ena umhame e ke ghele irari khi e ma ghalẹ ukpele oyi Ẹshinegba.

<sup>10</sup> Igbaa oyi eni e mie iJesu iKirisiti suo ni e pfue, e ke ghele ini agbo o ke ti we tiemhile. Irari khi eri epfue e ta a kua abi udodo.

<sup>11</sup> Irari khi ini ovo o ngale khi o to, eri o tose ebuli a, e khakha-a, idodo eyewe e de kua, isomhotse eyewe o yese a. Igho, oni o pfue o li ya ta kua, abi o li na ya nga na ya tiemhi shi akanya oyoli.†

### *Imhesẹ-bino ali imufe*

<sup>12</sup> Ikhivose o khi na ogbo ni o kie migha ini o mholi imufe, irari khi ini o dobe ri egbe mie, o ya mie arula oghie oyi agbo na agboagbo, ni Ẹshinegba o she shobo khi loli ya ro na eni e nono ingme oyelue.

<sup>13</sup> Ini a mu ogbo ligho fe bino, o khi lie khi, “Ẹshinegba o mu mhe e fe.” Irari khi ogbo o ri onobe ya dobe mu Ẹshinegba fe, wekhi eri loli o mu ogbokhoghuo e fe bino.

<sup>14</sup> Ama ogueme eyawa ni e di awa mu, e ri awa mholi imufe.

<sup>15</sup> Eghẹghẹ agho oni ogueme o kha me, o bia olamhe, ini olamhe o fu, khi o te, o bia eghuli.

<sup>16</sup> Inyoghuo-mhe a khi ze ni a di e.

<sup>17</sup> Isomhi-opfa onete kpa ni o gba pfo, idane o te bhale, obini oyi Ita ni o ma ikpa na idane, o rote e tiemhile. Oni o ya ya mu pfi abi aroro ni o je oola je oobo.

---

† **1:11** Li ze Aza 40.6-7

18 Ọghuẹmhe oyọli ọ rọ ri ungmehi igesikia oyọli ri awa bhale agbọ, ini ọ me asha ri awa khi imọmhi eni odode elemhi emini o ma nya.

*Isuo-ungmemhi oyi Eshinegba ali irọli-gbe akanya*

19 A sato ona inyoghuo-mhe, ogbokpa ọ kele ke suo ungmehi, ama ọ khi kele ke ngme unu, ọ khi gbo kele ke mhue elemhi ibibi.

20 Irari khi elemhi ibibi oyi ogbo ọa ri ogbo ọ mholi igue-ngeli oyi Eshinegba

21 Irarigho, a ti egbe ingeli ichimhi-a ali ingeli ingmobe ni e sha e ma-a. A ri egbe e tiemhile na Eshinegba, a ri eloe shi ungmehi oyọli, ikhi oni a rọ ko e udu, ni o dobe ya mie e pfuese.

22 A khi khi eni e lese ri esọ suo tse ni ee di egbe we, a ri ochoghọ ke ri emini a suo gbe akanya.

23 Oni ọ ri esọ suo oni ungmehi ni ọa riele emini o ngme, eri ọ li abi oni ọ le ya bino egbọli ughegbe abi loli li.

24 Ọ kha bino egbọli se, ọ vu agho le, aghoaghọ ọ yele abi ọ li-a.

25 Ama ogbo ni ọ bino elemhi ushi ni o gba pfo ni ọọ rue ogbo ọ le, ni ọ kiele e riele emini o ngme, ni ọa yele-a abi oni ushi o ngme, a ya khivose na li emiemini ọọ riele kpa.

26 Ini onge e ọ rue egbọli khi ọna ugamhi loli khi, ni ọa rọ lolo mu elemhi oyọli mhue kpẹ, egbọli ọọ di. Ugamhi afue ọọ ga.

27 Ugamhi ni o pfuase ni ọa mholi ifue ni Eshinegba Ita awa ọọ mie loli o khi, ni u rọ ri ukpeloe khu imi-olimhi ali esamhi-olimhi ini ee me osoli. Ali ni ogbo ọ mu egbọli ini agbo o khi ri ichimhi mu oli.

## 2

### *A khi zọlọ egbe ẹ*

<sup>1</sup> Inyọghuo-mhẹ, ini u mie iJesu iKirisiti Onọmhue ọyawa ni ọ mhọli ufumhi oniẹmhi suo, a khi riẹlẹ khi ọnana ọ kpe mhẹ nẹ.

<sup>2</sup> Ini a fẹ bhale ya ẹ khi ọgbọ ni ọ pfue ni ọ sọ ukpẹkhuli oyi igolu ali ide eni e somhotse, ọ lo ilegba oyeẹ le, ali ni a rọ gbo mẹ khi ọna umhamẹ ọ sọ ijejẹ ide li lole.

<sup>3</sup> Ini u ri ekpe na ọni ọ sọ itsua ni e somhotse nẹ, ni u rọ liẹ ọli, “Bhale ya shitọ ashini o ti nẹ,” ni u rọ liẹ ọna umhamẹ, “Migha oobọ,” okekha khi eri u wẹ ọli, “Shitọ ekekhe epfe awẹ eyẹmhẹ.” O fẹ ti ghọ?

<sup>4</sup> Aa she riẹlẹ azọlọmhẹ deba egbe ẹ eghe? Aa gbolo ri isamhi ebe ẹ gue egbe ẹ ezọ eghe?

<sup>5</sup> A ri esọ shi mhẹ ekẹ inyọghuo-mhẹ, ọa khi eri Eshinẹgba ọ she zẹ ena umhamẹ ukpẹloe agbọ, ni e mhọli ẹpfue oyi irudunga, ali ni e mhọli okemhi shi ugu eghiele ni ọ rọ shobọ na eni e nono ingme oyọli?

<sup>6</sup> Ama u she mẹ ena umhamẹ bie. Ọa khi eri eni ẹpfue e li ẹ le? Ọa khi wẹwẹ e rẹ ẹ ye ikọtụ?

<sup>7</sup> Ọa khi wẹwẹ ẹ ri unu ẹ yese eva onete oyi iJesu iKirisiti-a ọni a kugbe ọ?

<sup>8</sup> Onete wa riẹlẹ ini u ri ushi ni o mu egbe nẹ nya, ni o la Ebe-no-pfuasẹ gbe akanya, ni ọọ, “Nono ingme oyi ọnuzava oye abi u li nono ingme egbe ẹ.”\*

<sup>9</sup> Ama ini u riẹlẹ azọlọmhẹ, u she lamhẹ, ushi o gbo pfa ezọ mu ẹ khi ọni ọ gbe ushi-a u khi.

---

\* **2:8** Li zẹ iLev 19.18

10 Irari khi ọnini ọ da ri ishi nya ghue ni ọ pfi ọ elemhi ushi oghuo tse, ishi enekpole nya ọ gbe-a.

11 Irari khi ọni ọọ, “Khi kia okia.” Lọli ọ gbolo e, “Khi gbe ugbeli.” Ini u wa ririę kia okia, ni u rọ da gbe ugbeli ne, ọgbushia u khi.†

12 A ke ngme ungmehi, àá ngeli abi egbọ eni a ri ushi inono ya gue we ezo, ikhi ushi oni o ri epfua a na ogbọ.

13 Irari khi Eshinegba ọa ya mhọli ilelemhi na ogbọ ni ọa ya mhọli ilelemhi, eļe ni Eshinegba ọ rọli ya gue ezo. Irari khi ini u mhọli ilelemhi, eri u ya ke ghele ini a re e gue ezo.

### *Irudunga ali iro-gbe akanya*

14 Inyoghuo-mhe ini ogbọ guele khi lọli mhọli irudunga, ni ọa rọ mhọli iro-gbe akanya, onete onoghuo o ya li nali? Imiesuo oghoghọ ọa ya dobe tsumhi ọli?

15 Ini a fe bhale ya e khi inyoghuo awa ọni omose okekhi okpotso ọa mhọli itsua ni a so ali eminale ni ọ ya le ogbele.

16 Ni onge ọ rọ gueye ọli, “Ke vu, o ya ti ne, Eshinegba ọ khi ze ni ulili ali okiamhi o ne osoli”, ni ọa rọ mhọli emhi khoghuo ni ọ rięle na, ighe onete ni o rięle?

17 Eri o li abine khi ogbọ mhọli irudunga ni ọa rọli gbe akanya. Irudunga luęghuo tse ni a ri akanya ma, irudunga oni o ghu-a o khi.

18 Ama a dobe ya me khi ogbọ ọọ li, “U mhọli irudunga, mhemhe mhi gueye ọli khi iro-gbe-akanya mhi mhọli.” Ri irudunga oye khasę mhe ni ọa

† 2:11 Li ze Okiali 20.13,14; iDeut 5.17,18

mhọli akanya igbegbe, mhemhe mhi ya ri emini mhi rieḷe rọ ri irudunga oyemhe khaṣe ẹ.

<sup>19</sup> U miesuọ khi Eshinegba oghuo ọ khi, oo ti gba. Egbegbi ayemhe eyi okphaghiẹ e mie ona suọ, ẹẹ na ulishi, ẹẹ guọ.

<sup>20</sup> Yeye omose ooyeghe, eri u wa nono ni a gbo gue ọli ke ye, khi irudunga ni ọa mhọli akanya igbegbe, khi afue o khi?

<sup>21</sup> Ọa khi emini ititawa Aburaamu ọ rieḷe a rọ rọli liẹ khi oni ọ pfuase ọ khi, abi ọ rọ ri omi ọli Aziki luase obo ukhomhi atete?‡

<sup>22</sup> U me ọli khi irudunga ali iroḡbe-akanya oyọli e ga gbe akanya kugbe, emini ọ rieḷe o ri irudunga oyọli gba pfo.

<sup>23</sup> Lọli o ze khi emini Ebe-no-pfuase o ngme o rọ bhale ya tse ni ọọ, “Aburaamu ọ mie Eshinegba suọ, a leli ọli nali shi ipfuase”, A lu ọli omole Eshinegba. §

<sup>24</sup> U me ọli egho khi emhi ni oḡbo ọ rieḷe a rọ liẹ khi oḡbo ọna ipfuase ọ khi, ọa khi irudunga tse oḡbo ọ rọ khue pfuase.

<sup>25</sup> Igho o gbo li egbe oyi iRé-àbu ni ọ khi adegbe. Emini ọ rieḷe o rọli khue pfuase odalo oyi Eshinegba. Abi ọ li mu eḡbo iZireni ni e bhale ya tokpe eke bino epfese. Ni ọ gbo kpaghiẹ we obọ ni e ro me asha na rọte ode oboese vu.\*

<sup>26</sup> Irarigho, abi idiegbe ni ọa mhọli ayemhe o li khi oni ghua, igho irudunga ni ọa mhọli akanya o li khi oni ghua.

### 3

---

‡ 2:21 Li ze *Igbae* 22.1-14 § 2:23 Li ze *Igbae* 15.6; 2 *Okhe* 20.7; *Aza*

41.8 \* 2:25 Li ze *iJosh* 2.1-21

### *Ekpabọ oyi eḷemhi*

<sup>1</sup> Emọle mhe, eḷ nya a khi ya khi eni eḷ seḷ, irari khi a leḷe khi anye ni anye khi eni eḷ seḷ eḷgbo, a ri ezo oni o ze ne nya na ya gue.

<sup>2</sup> Awa nya awa mhọli ashini awa te pfi do. Ama ini oḷgbo oḷa pfi do elemhi ungmehi oyọli ghue, oḷgbo oni o gba pfo o khi, ni o doḷe e mheḷe ni idiegbe oyọli nya.

<sup>3</sup> Eri a so achi aghẹkpẹ unu ni o ke suo eso na awa, loli o ze khi awa doḷe nga li e je obini o ghọle awa.

<sup>4</sup> Gbo li sa ingme oko okẹ oniḷemhi bino, ashini o gbẹdi ramhi egho, ni o khia khi akpekpeli oniḷemhi o kha riḷe e li, ukuku akhuli, oni oḷ gua li o ro mu oḷi ukhomhi e pfi je obiobini o ghọle oḷi.

<sup>5</sup> Igho eḷemhi o li li. Ashini o she ramhi elemhi idiegbe oyi oḷgbo, o ma pfi okhorobo.

Sa o ghue, abi ukuku akhuere o liḷe ma ere osha.

<sup>6</sup> Eri eḷemhi o li abi erali. Emhi obe o khi ni o la elemhi idiegbe oḷgbo. Eri oḷ yese oḷgbo-a nya ode khi ode. Ilimhi iriereḷe oni erali ogho o te bhale eḷemhi.

<sup>7</sup> Elamhako nya e ze e mu abo, ghe ipfeli o, ghe eni e tialo akpidi eke o, ghe elamhako ena okẹ o, oḷgbo o doḷe e mu we abo.

<sup>8</sup> Ama oḷgbo khoghwo oḷa doḷe ya mu eḷemhi abo. Eri o li abi osue enye obe ni oḷ gbe.

<sup>9</sup> Oni eḷemhi awa ro o kuḷghie Ita awa Onomhue. Loli awa gbo ro o ku itse na eḷgbo ni a ro khokho Eshinegba ma.\*

<sup>10</sup> Ikuḷghie ali itse ikuku e roḷe unu oghwo e lasele. Oḷa kha khi igho inyoghwo-mhe.

---

\* **3:9** Li ze *Igbae 1.26*

<sup>11</sup> Amẹ eni e ti unu ali amẹ ni ẹa ti unu ẹa dobe ya rọte unupfie oyi okẹ oghuo ke chọchọ lasele.

<sup>12</sup> Inyoghuo-mhẹ, ọkhua-eni o fẹ dobe ya mọ udumhi olivu? Wẹkhi eri olomu iba o dobe ya mọ udumhi ọkhua-eni? Ighọ okẹ oni ọọ chọchọ amẹ ugbheli, ọa dobe ri amẹ eni e ti unu ya lasele.

### *Iku ilẹsingme eva*

<sup>13</sup> Oghuo ọ elemhi ẹ ọ khi ọtsegbhẹ ni ọ mhọli ilẹse? Oni ọgbọ ọ ri angeli onete oyọli rọli khase, ikhi onete ni ọ ri iregbe-tiemhile ni o rọte ilẹsingme bhale riẹ.

<sup>14</sup> Ama ini u mhọli ayemhẹ ubogbo ali emhi-itoegbe shi udu oye, khi vuse ipfua shi ọ, ni u rọli kie oni igesikia.

<sup>15</sup> Ilẹsingme oghogho ọa khi iloghie o te bhale, ama onayi agbo ona o khi, ni ọa rọte Ayemhẹ-nọ-pfuase bhale, elemhi ayemhẹ oyi ọkphaghie o te lasele.

<sup>16</sup> Ashini ubogbo ali emhi ituegbe o da la ne, ozughu ali emhi ebe ododa, e ma la akaghọ.

<sup>17</sup> Ama egbhẹ ali ilẹse ni o te idane bhale, eri o kpẹ te ekẹ pfuase, o nono opfomhẹ. Eri ọọ kuegbe-a, o ri egbe ọli ẹ tiemhile na ọgbokpa pfo, o mhọli elemhi-iamhẹ, o ri umomhi angeli onete ẹ khase. Ọa ya gbe azeba, o mhọli igesikia.

<sup>18</sup> Eni ẹ nono opfomhẹ ni e ri ayemhẹ opfomhẹ ri onete kọ, ikhiẹse oyi ipfuase ẹẹ mẹ.

## 4

### *A ri egbe ẹ na Eshinegba pfo*



<sup>1</sup> E lẹ ọọ pfi okhọli ali uwola a na ẹ? Ọa khi itobọ ọghuẹmhe, ni e la ẹ udu nu ẹ a khọli o zẹ ni a rọ nu egbe ẹ khọli?

<sup>2</sup> Emhi ọọ ghọle ẹ, ama aa mhọli ọli. A gbe ugbeli, a mhọli ẹlo-iamhe ama a dobe mhọli emini ẹẹ ghọle ẹ. A kha wola, a khọli. Aa ya mhọli emini a nono, irari khi aa mhila Ẹshinegba.

<sup>3</sup> A kha mhila, aa ya me mie, irari khi usamhi obe a rọ shi udu ke mhila, ini a ba me asha ri emini a mhila rọ li agbọ shi egbe.

<sup>4</sup> Eẹ ni a khi egbọ ni e li abi ọkpotoso ni ọọ kia okia, eri aa lese khi ini emhi agbọ o ghọle ẹ dose, khi obe Ẹshinegba a khi? Ọnini ọ da zẹ agbọ ona omole ne, obe Ẹshinegba ọ khi.

<sup>5</sup> Eri u dabi khi afuẹ Ebe-no-pfuase o ngme ọli khi, eri ayemhe ni Ẹshinegba ọ rọ shi awa egbe ọọ kpe ofuma egbegbọ, ni o khia khi eri ọọ nono ni awa khi ọyi Ẹshinegba pfo nya.

<sup>6</sup> Ama eri Ẹshinegba ọ khi ma okhale na awa. Onana o zẹ ni Ebe-no-pfuase o rọ liẹ,

“Eri Ẹshinegba

ọ mu okhọli ẹ vule shi

ọni ọ ti egbe ọli ẹ nga ọ.

Ọọ somhi elemhi

ọni ọ ti egbọli ẹ tiemhile.”\*

<sup>7</sup> Ri egbe ẹ tiemhile na Ẹshinegba pfo nya. Tsese ku ọkphaghiẹ ọ ti kia ne, khi ọ ya na ne.

<sup>8</sup> Ti bhale deba Ẹshinegba, khi ọ ya ti bhale debe. A kpe abọ eyẹ ẹ-a, ẹẹ ena olamhe, a ri udu oyẹ ẹ shi eni e pfuase, ẹẹ ezidu-eva.

---

\* **4:6** Li zẹ *Ekpi 3.34*

<sup>9</sup> Viẹ osoli, viẹ oya, mu egia oye mele eviẹ-a, u gbo mu oghẹle oye pfi bhale iyese udu-a.

<sup>10</sup> Ti egbe ẹ tiemhile odalo oyi Ọnọmhuẹ, khi ọ ya ti ẹ nga.

<sup>11</sup> A khi ke yese egbe eva inyoghuo-mhẹ. Ini u da yese ọnuzava oye ni a ga mie iKirisiti suọ eva-a ne, ni u rọ da gue ọli ẹzọ, ushi wa ze ifue, ni u wa gue ẹzọ. Ini u gue ushi ẹzọ, wa ke khi ọni ọ ri ushi ẹ gbe akanya! Ama ọni ọ gue ọli ẹzọ u ke khi.

<sup>12</sup> Ẹshinẹgba lẹlighuo tse ọ khi ọni ọ rue ushi na agbọ ni ọọ gue ọgbọ ẹzọ egbe-a. Lẹlighuo tse ọ dobe a tsumhi, ni ọ dobe a gbe-a. Ọghuo u sa khi u khi ni u wa gue ọgbọese ẹzọ?

### *Awa khi ke tono obọ udu*

<sup>13</sup> A suọ mhẹ, yeyẹ ni u wẹ, “Amo okekhi akọ awa ya ye ẹoli ona okekhi oghọ, awa ya la oobọ elemhi ukpe oghuo, awa la oobọ gbe akanya ona ali oghọ, awa gbe ukpaghọ tima.”

<sup>14</sup> Waa lẹsẹ emini ogbe na akọ o ngme ne, wẹkhi emini a ya mẹ akọ. Sẹ u lẹsẹ abi agbọ oye o ya li? Eri u li abi otughunu ẹlẹ uzogbe ni ọọ lasele ukuku ẹghẹghẹ, o gbo kala-a.†

<sup>15</sup> Eri u kha ri ochoghọ liẹ, “Ini o ghọle Ọnọmhuẹ, awa ya la agbọ, awa li ona ali oghọ.”

<sup>16</sup> Mena eri u wa tono obọ udu, waa ti ipfuabọ nga. Itonobọ-udu eghoghọ nya ẹa gbe akanya.

<sup>17</sup> Irarighọ, ọnini ọ da lẹsẹ onete ni ọ kha riẹlẹ ni ọa rọ da riẹlẹ ọli ne, olamhẹ o khi na li.

## 5

*A tse agua ye eni e pfue, ni ẹẹ nase eni ẹa pfue.*

† 4:14 Li ze Ekpi 27.1

<sup>1</sup> Ghe ii, eẹ eni a pfue, a viẹ, a viẹ oya irari osoli ni ọọ bhale na ẹ.

<sup>2</sup> Ẹpfue eye ẹ, e she kẹ a, ali khi esele e she rẹ ẹ ide le.

<sup>3</sup> Igotu ali ẹlomho eye ẹ, e she mu oghuoghuo-a. Oghuoghuo ni e mu, e ya pfi ọtsẹle mu ẹ, a ya na ẹ osoli to ọ irari khi u ti ikpagho ma leghe na egbe ẹ ya ramhi memena.\*

<sup>4</sup> Waa fali ẹgbọ eni e gbe ikanya ishemhi oye nẹ ifata ne. Ẹẹ viẹ, eẹ wọlọ. Eviẹ oyi eni e nu ẹ khiẹsẹ itsua ishemhi, o she ramhi esọ eyi Ẹshinẹgba ni ọ funẹ nya ni ọ mhue ekhọli-okhue na iloghie.†

<sup>5</sup> Eri u la agbọ ẹ li agbọ nyafunyafu, u li agbọ ọ tsua kua. Wa le ọkpọ, ali ọfọlọ, u gbẹdi-a looghọ abi ẹlamhi ni a mu ya gbe-a.

<sup>6</sup> U she pfa ẹzọ ugbeli mu ẹgbọ eni ẹa mhue abi e li, u gbolo wẹ-a. Wẹwẹ na, ẹa dobe liẹ khi wẹwẹ a lama shi ẹ ọ.

### *Irabọmudu elemhi osoli*

<sup>7</sup> Irarighọ, inyoghuo, ri abọ mudu ramhi ibhale oyi Onomhue. Bino ghue abi oghiale ọ liẹ migha khe ẹghẹghẹ ni ishemhi e la bie. Abi ọ li ri abọ mudu ni otsukpe o de, ni oruame ọ rọ le.

<sup>8</sup> Yeye li lighọ ri abọ mu udu abi oghiale. Lolo ri ukpeloe shi eke, u migha gbagbagba irari khi ibhale oyi Onomhue o ti bhale.

<sup>9</sup> A khi ke mẹ umha-guẹli oyegbe inyoghuo-mhe, ini a khi gue ẹ ẹzọ. Osoẹzọ ọ ga ti mama awa memena.

---

\* 5:3 Li zẹ iMat 6.19 † 5:4 Li zẹ iDeut 24.14-15

10 Inyoghuo-mhe, a ke khonya emekeguele ni e e ngme na Onomhue. Eri e ri abo mudu ini o rie khi e ya me osoli.

11 A she kpe lese khi eni a khivose na, anye e lu egbo eni e ri egbe e mie. A she kpe suo eko iJobu abi o o ri egbe mie tese. A me emini Eshinegba o riele na li ikpukhokho. Onomhue, ona ilelemhi o khi.‡

12 Inyoghuo-mhe, oni o mu egbe ne nya khi, khi romhi iloghie ali eke agbo ali emhese. Ze ni, "Ii oye o khi ii, u ze ni iiye oye, o khi iiye." Ini a khi me asha pfa ezọ mu e. §

### *Iromhi ni a ri irudunga so*

13 Ini onge e o la elemhi omunu, o lema Eshinegba. Ini onge e o ghele, o to uwolo ikuoghie.

14 Ini onge e o ghua, o ka lu egbhali ni e la igbaa oyi eni e mie iJesu iKirisiti suo, ni e so iromhi na li, e ri eva oyi Onomhue ri oili to oli egbe.\*

15 Eghenge agho, ni iromhi ni e ri irudunga so, ni o ri oli ze. Ni Onomhue o rote ughuamhi mu oli vule. Ini o lamhe olamhe, Onomhue o ya ro topfa li.

16 Irarigho, a zono olamhe eye ye egbe e, a lema na egbe, ni a re e ze. Eri iromhi oyi ogbo ni o la ipfuase o migha a gbe akanya egbegbo.

17 Ogbo onabi awa, Elaja o khi. Eri o te ekelemhi udu lema egbegbo. O o ame o khi rue, ame o mu oni eke elemhi ikpe ese ali ukhukhui.†

18 O gbo lema, o o ame o rue, ame o rue, eke o ri emhi ekomhi ze lasele.‡

---

‡ 5:11 Li ze iJobu 1.21-22; 2.10; Iwolo 103.8    § 5:12 Li ze iMat 5.34-37    \* 5:14 Li ze iMak 6.13    † 5:17 Li ze 1 Ighie 17.1; 18.1  
‡ 5:18 Li ze 1 Ighie 18.42-45

<sup>19</sup> Ini ọngẹ ẹ ọ pfi egbegbi ode oyi Ẹshinẹgba shi eke, no ọgbọse ọ rọ mu ọli nyene bhale ukhokho,  
<sup>20</sup> sato ọ khi, ọnini ọ mu ọna olamhe rọte ode ẹgbhọli oyọli pfi, ọ ya tsumhi ayemhe oyọli obọ eghuli, ọ guese olamhe ebubu na li. §

**Ebe-No-Pfuasę Ishobo Onogbo**  
**New Testament in Ivbie North-Okpela-Arhe**  
**(NI:atg:Ivbie North-Okpela-Arhe)**

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

**Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

**The New Testament**

in Ivbie North-Okpela-Arhe

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 18 Apr 2025 from source files  
dated 29 Jan 2022

03be06b0-68fd-500b-b9a9-6bca4b63979a